

AFRIKA-DZONGA NA CHAYINA VA TINYIKETELA KU TIYISA MFAMBISO WA NXAVISELANO - SARS, ITAC NA YINDLU YA VUYIMERI YA CHAYIAINA

Tshwane, 5 Khotavuxika 2025 – Hi ti3 Khotavuxika 2025, Vakhomixinara va Khomixini ya Vulawuri bya Nxaviselano wa Misava (ITAC) Ttn Ayabonga Cawe (ITAC), Vukorhokeri bya Xibalo bya Afrika-Dzonga (SARS) Ttn Edward Kieswetter; na Muyimeri wa Chayina eAfrika-Dzonga, Muchaviseki Ttn WU Peng va khomile nhlengeletano lowu akaka eHofisikulu ya SARS ya Pretoria. Nhlengeletano yi kongomisile eka xiyimo xa sweswi xa nxaviselano na mfambiso wa nxaviselano exikarhi ka Afrika-Dzonga na Chayina, vanakulorhikulu vambirhi va qhinga eka mabindzu ma misava.

Nxaviselano i xikotisi xa nkoka eka nkulo wa ikhonomi, antswiso wa vuhumelerisi, ku phikizana, na nhluvukiso wa nkarhi wo leha. Tanihiloko nhlayo wa nxaviselano wu kula, tlhontlho i ku fambisa nxaviselano lokohiletlhelo ku fambisiwa mixungeto leyi vangiwaka hi nkavulandzelelanawu na milandzu leyi seketeriwaka hi nxaviselano. Hi ku olovisa, ku endla ximodeni no twananisa nxaviselano wa misava, mfambiso wa nxaviselano swi hunguta tihakelo, antswisa vuswikoti, no ndlandlamuxa oloviso wo endla bindzu entluleni wa mindzilekano.

Mavandla ma lemukile nkoka wa nxaviselano wa nkarhi wo leha no kula na vuxaka bya swa ikhonomi exikarhi ka Afrika-Dzonga na Chayina. Va lemukile mibindzulo yo fana leyi sukaka ku suka eka ntirhisano lowu enteke, mbhurisano wa nkarhi wo leha na ku humelela loku averiweke. Mavandla hinkwawo, hambiswiritano, ma tshikelerile xilaveko xo hatlisisa ku humelela no fambisa nxaviselano hi tindlela leti vonakaka.

Mikanelo yi kongomisile eka maantswiselo ma vuxaka bya nxaviselano, ku engetela tihlayo ta nxaviselano, no ndlandlamuxa mfambiso wa nxaviselano exikarhi ka matiko mambirhi. Mavandla hinkwawo ma kombisile vutinyiketeri byo tiya ku tiyisa ntirhisano, ku antswisa vuhlanganisi no tirha kun'we ku tiyisisa ntirhisano na avelano wa vuxokoxoko eka milavisiso ya murhi wa nxaviselano no ololoxa swihika swa nxaviselano leswi kavanyetaka nkholuko wa rhelela wa tinhundzu na vukorhokeri.

Nhlengeletano wu tiyisisile hi vuntshwa nkoka wa n'wangulano na ntirhisano wo vonaka eku akeni ka tisisiteme ta nxaviselano to vhumbeka, to vonikela na vuswikoti swinene. Ku seketela leswaku mfambiso wa nxaviselano wu tlanga xiave xa nkoka eku ndlandlamuxeni ka nkulo wa swa ikhonomi, ku koka rinoko ra vuvekisi, no hlanganisa tiikhonomi ku ya eka mixaxamelo ya nkoka.

Muyimeri Peng u angurile, *"Vuxaka exikarhi ka Chayina na Afrika-Dzonga byi tlakusiwile ku ya eka Xinakulobye xa Ntirhisano wa Qhinga xa Hinkwaswokwaswo eka Nguva ya Nkarhi Lowuntshwa. Chayina yi khomanisa nkoka lowukulu eku hluvukiseni ka vuxaka bya ikhonomi na nxaviselano exikarhi ka Chayina na Afrika-Dzonga, lebyi eka malembe ma sweswinyana byi endleke ku humelela. Micincano ya nxaviselano, vuvekisi, na vatirhi exikarhi ka matiko mambirhi swi engeteriwile ku tiyisisiwa. Chayina yi seketa phurosese ya*

vumaki na ximodeni ya Afrika-Dzonga naswona yi tiyimiserile ku hoxa xandla eka ajenda ya nkulo wa katsakanya, ku tiyisa ntirhisano wo vuyerisa ku fana exikrhi ka matiko mambirhi, no sirhelela kun'we sisiteme ya nxaviselano ya matlhelonyingi leyi seketeriweke hi milawu.

Khomixinara wa ITAC Cawe u te:

Eka mbangu wa nxaviselano wa misava lowu cincaka hi ku olova na nkantiyisiso leswi engetelekeke, leswi hlawulekisiwaka hi ku kurisa no hunguta, hi vilerisiwa hi mayelana na nkucetelo lowu mitshunelo leyi yi nga wona eka miphakelo ya tinhundzu na vukorhokeri na nkantiyisiso leswi va swi tivisaka eka timakete ta swimakiwakulu. Leswi swi tikomba hi le ku tlakukeni ka minongoloko ya tinhundzu, laha ikhonomi ya makete wo pfuleka wutsongo wo fana na Afrika Dzonga wu tisaka mixungeto yikulu ya cincandlela na hambuko swa nxaviselano. Mayelana na xiyimo lexi, mirhi ya nxaviselano yi ta tshama yi ri ya nkoka ku tirhana na swiyimo swa nxaviselano wo voyamela tlhelo rin'we, swo fana na ncukumeto. Hi tshama hi pfulekerile mbhurusano na vanakulorhi va hina va le Chayina eku sirheleleni ka nghenelelo na ntirhisano varhumelatinhundzu na mavandla man'wana lama tsakelaka eka mindzavisiso yaleyo, tanihi elemente leyi xakelanaka na nxavisano eka vuxaka bya hina bya matlhelo mambirhi. Khomixinara wa SARS Kieswetter u tshikelerile, "Chayina, tanihi nakulorhi lonkulu wa nxaviselano eka Afrika-Dzonga, yi lulamerile swinene ku tiyisa nakulorhi wa nxaviselano wa nkarhi wo leha. Ndzi tsakela ku vona vuxaka byi kula ku nga ri eka Afrika-Dzonga ntsena tanihi ndhawu ya makete ya swimakiwa swa le Chayina, kambe tanihi ndhawu yo hlanganisa no tumbuluxa hi vavekisi va le Chayina. Afrika-Dzonga ri tlhela ri lulamela tanihi nakulorhi wa qhinga eka Afrika hinkwaro".

Mbhurusano lowu wu fungha goza ra nkoka eku entiseni hi xitalo mihlangano ya swa ikhonomi ya matlhelo mambirhi no hatlisisa nhluvukiso, ntiyiselo na nkulo wo katsakanya hi ku tirhisa nxaviselano.



Xivutiso 1: Khomixinara wa ITAC Ttn Ayabongwa Cawe, Muyimeri wa Chayina Ttn WU Peng, Khomixinara wa SARS, Ttn Edward Kieswetter; Xandla xa Khomixinara wa SARS Ttn Johnstone Makhubu.

MAKUMU